

古
微
堂
詩
集

古微堂詩集目錄

卷一

四言古詩二首

秋夕

泗源泉林寺

五言古詩上五十五首

村居雜興十四首呈筠谷從兄

北上雜詩七首同鄧湘皋孝廉

偶然吟十八首呈婺源董小槎先生

嘒古吟八首與陳太初脩撰

客懷八首柬龔定菴舍人

卷二

五言古詩中 五十四首

華山詩三首

華山西谷四首

岱麓諸谷詩六首

嵩麓諸谷詩五首

登大行絕頂五首

大行諸谷四首

重游百泉四首

盤山紀游四首

重游盤山寺二首

關中覽古五首

棧道雜詩七首

三龍洞二首

定軍山諸葛武侯祠

劍閣二首

卷三

五言古詩下 九十一首

嘉陵江中詩三首

出峽詞二首

擬廬山石門澗詩三首

廬山和東坡詩二首

布水臺下同僧觀瀑

天台紀游六首

中四明山詩二首

四明山中峽詩二首

九夷九曲詩五首

貴溪象山龍虎山諸詩四首

永嘉山水詩補謝六首

白嶽東巖

白嶽西巖

黃山詩六首

黃山諸谷二首

武林紀游九首呈錢伊菴居士

市街堂言集目錄
湘江舟行六首

粵江舟行七首

西洞庭包山寺畱題四首

桐城浮山二首

九華化城寺

家塾示兒耆六首

家塾再示兒耆六首

雪詩三章柬潘少白山人

贈謝默卿明府二首

寄番禺張南山太守

卷四

皇朝武功樂府 十八首

王業艱

收金部

收遼部

收元部

收朝鮮

天助師

入關戰

戡三藩

定朔漠

蕩青海

蕩西陲

定回部

復西藏

和西洋

收臺灣

靖金川

靖流寇

靖海氛

古樂府

二十首

君馬黃二首

怨歌行五首

行路難十三首

新樂府

二十三首

江南吟十首

都中吟十三首

卷五

七言古詩上 六十二首

游山後吟六首

游山吟六首

岱嶽吟上

岱嶽吟下

華嶽吟上

華嶽吟下

大室行

少室行

二室行

北嶽五臺看雪行

衡嶽吟

廬山高效歐陽公體

廬山紀游六首

井陘行寄感

潼關行示楊廣文二首

蜀道行

子午谷行

錦城吟

中條山王官谷雙瀑吟

王屋山天壇觀雲歌

雁蕩吟

天台山梁雨後觀瀑歌

黃山雲海詩

黃山西海門觀落日歌

天目山囊雲歌

桂林陽朔山水歌三首

洞庭吟

太湖夜月吟

西洞庭石公山吟

石公山後吟

西湖夜月吟

西湖夜游吟二首

三湘棹歌三首

山石上

山石下

錢塘江行書事二首

理安寺偶題贈道宣上人二首

卷六

七言古詩中 二十一首

普陀觀潮行

錢塘觀潮行

秦淮鐙船引

金焦行

江舟聽雨吟

雞窗待旦吟

花前勸酒吟

泰山日觀峯古封禪壇歌

岱山經石峪歌

元祐黨籍碑歌

廬山王文成公紀功碑歌

送李希蓮陳雲心何積之歸彬州

大雪行

毒水取魚歎

夜雨行

海州雲臺山老松歌

黑龍江將軍打圍圖歌

題東丹王射鹿圖

澳門花園聽夷女洋琴歌

香港島觀海市歌

京口琴嬈曲

卷七

七言古詩下 三十四首

椒山琴和陳太初脩誤

題湯雨生雙筍圖

題林少穆制府餉鶴圖

觀物吟九首

觀往吟九首

讀書吟示兒耆五首

題包慎伯文集二首

絮園暑夜登月臺

呼月吟

古歌

江頭月

戲自題詩集

新羅山人醉筆墨蘭歌

卷八

五言律詩 一百二十首

京師送歐陽澗東丈南歸

京師接家書二首

嶽麓介景臺夜作二首

宿嶽麓寺

湘江舟行

過洞庭三首

江行雜詩六首

西行雜詩一首

虎牢

潼關

碑洞

驪山

蘇武墓

太史公墓

邠州太佛寺

濟源

跑突泉

龍門二首

嵩嶽三首

華嶽二首

岱嶽二首

衡嶽二首

盤山二首

四明雪竇寺四首

天台山雜詩五首

陽朔舟行六首

西湖銷夏詩六首

金山次僧庵韻二首

惠山泛舟二首

惠山夜坐三首

天童寺夜宿

烏龍潭夜坐六首

洞庭西山銷夏灣

漢陽送人入蜀二首

石鐘山二首

洞霄道院

西天目二首

九華山化成寺二首

自定海歸揚州舟中四首

江口晤林少穆制府二首

春日書感二首

秋日書感三首

舟中感事四首

歸至資江重游雙清亭二首

揚州絜園閒詠四首

春盡二首

旅懷二首

寒夜

待雪

尋梅三首

集古畱句三首

附明末楚石諸禪師和二聖詩十一首

卷九

七言律詩 九十六首

江行雜詩五首

秦中雜感十三首

西師六首

金陵懷古八首

寰海十首

寰海後十首

秋興十首

秋興後十首

游別海淀四首

楚粵埽舟紀游四首

瓜州靖棹二首

湘江舟行二首

自天目至徑山寺

將太興化登城北拱極臺二首

登高郵文游臺三首

揚州病起春郊偶泛三首

偶感三首

六言絕句

五首

題姜鶴澗山水畫幅五首

卷十

五言絕句 三十九首

別內

代內

曉窗

曉發

初雪

題近人山水畫冊六首

大江歸舟雜詩四首

湘江舟行五首

烏龍潭小泛二首

天台贈僧二首

盤山寄僧

虎邱夜月

惠山秦氏園

山寺訪僧二首

經古寺二首

偶拈四首

山海關

居庸關三首

七言絕句 八十六首

海淀雜詩十首

居庸關三首

贛江舟中棹歌七首

廬山雜詠偕蔣子瀟十三首

雲根石二首

黃山絕頂題文殊院五首

揚州畫舫曲十三首

吳門重晤黃南坡太守五首

金山偶題

高郵州署秋日偶題五首

卜居金陵買湖於草堂三首

錢唐江舟行二首

于忠肅祠

贈太倉水手陳阿三

贈江壽民二首

贈張虎頭二首

題傅蜀門倚劍讀書圖

題湯雨生羅浮采芝圖

題明人秦淮三姬小照二首

題友人填詞

送蜀僧歸峩眉

歎救生船

誚荔支二首

先生博極羣書而尤長於經世之學詩其餘事也然以詩論
氣韻沈雄筆力堅卓融鑄唐宋獨濶畦町迄今詩人無抗

手者

癸酉仲冬朔日後學童傳祁續識

先生為余父執入與家大人同官吳中嘗以治河策三通貽家大人且言他日
若得為鹽廳同知必決河使北流由大清河入海以復五景治河故道雖里莫
議亦無所悔先生歿數年而河北徒河患少息余自幼慕聞近求其槁則已
失之常以為恨初冬晤鄒賓山廣文以是集見贈乃得於江南吟社中吟中
得其大意聞其文集尚存何子貞太史家若能假鈔當為刊布傳之當
事真得見諸施行共於國計民生或不無小補云

傳祁又識

古微堂詩集卷一

邵陽魏源默深箸

四言古詩

秋夕三章

中宵不寐坐待雞鳴蒼然夜氣養此由庚人海沈沈誰
與旦明人生有初忽念無明

如彼逝川到海何時三年求艾一月攘雞桑榆未晚尙
其企而沛其邁矣能不我思

出仰昊空昊空寥落入對孤鐙古人如昨蕭蕭艸蟲烈
烈其音歲暮何爲祇攪我心

泗源泉林寺三章

碑題子在川上處考孟子答徐子仲尼水哉水哉之問首以源

泉混混不舍晝夜爲言逝川之歎果在泗源潮洞不足聯詠仰止

山不必高水不必深但得其陽乃識其陰大古之心至人之琴湛若泉陰常有寂音

時哉時哉山梁所息一舉寥然安知所極

今日之今風風雨雨俄焉矚之已化爲古

五言古詩

邨居樸興十四章呈筠谷從兄

風高林影定夜氣生空涼鏗滅月在牖虛白明洞房披

衣坐復行仰視天宇翔蛩急樹根響螢流荷露光羣動
何有始列宿何有芒每念生滅由精微莫能詳窮年事
糴粕誰極無何鄉樂哉空山空悲哉長夜長

池中大古天受此眾林影風來一時動不改虛明靜空
山絕人世入夜風露冷雲駛月益西天覆星如隕孤臥
仰瀨虛萬象一何凜諸念皆寂時始覺人天近

林鳥同我起初日生蒼涼空濛山氣中羣動興不遑夙
興明發閒清氣來無方往往宿讀書妙悟生中央往往
夢中句欲追旋已忘萬物各汲汲吾生亦皇皇嗟尔晨

涉人犯霧朝褰裳

秋士不知夏寒泉不知溽人畏惟一炎我畏惟一俗適
聞求友聲嚶嚶方出谷欣然往從之攜書柳林讀空山
寂無人浩歌賡伐木沈思獨一往忽與天機觸動時羣
籟興靜時羣籟伏水流花謝中何處尋陳牘

良農望甘澤患苗非患暑簷溜一宵鳴桔槔可以去曉
聞泱泱聲山泉不知處溪山不改色蒼然入庭戶迎風
萬綠中襟以羣蛙語羣植欣向榮羣動亦得所始知田
家樂直與造化伍堯時石戶農何易軒裳苦

日盡四野白餘暉在山頂流水如有情徘徊上襟領野
服欺松風幽尋自人境是時月未上萬象互光景危雲
天際峯斜覓天南影天高人獨立溪急野逾靜人鱗空
水明歸翼涼煙引詠歸謝童冠意行無遠近

金風老黃雲萬頃香霏瀾下有穠桎聲上有雁來儀枯
槁其生成元化塞天涯明農賦幽風斧斨不得歸尼父
鄙老圃又逢耒耜譏二旨頗難辨趨舍一何歧行詢荷
篠翁遙指邨煙微植杖不我語月上條桑西

白雲夜逾高銀漢秋彌朗自非金令澄曷徵水晶王羣

動畏厲清幽人喜昭曠圓靈無一物乃可涵萬象魚鱗
陣陣起縞練層層盪無端天中心忽漾月萼晃五色佛
光圓重暈義輪廣誰圖元氣儀縣諸大微上問月月不
知占天天共仰幻化俄闕無回光照虛敞默坐更何言
中庭盈灑沆

胡爲夜沈沈忽若波漾漾迢迢往如復肅肅清彌悄河
漢不在天潮汐不在島戰馬不在塞哀蟲不在艸撫絃
寫不成開門月方晶萬古夷則律一夕百物槁如何貌
姑人能使顏色好

村居遠城邑家釀無市酤稻穫春風香醪急簷溜徐阿
母喜仙釀新菑覆青蒲飯待兒書熟酒爲兒詩儲今晨
甕淥變色忽桃萼如澌澌霞泛盎浥浥香浮蛆鄰媼來
賀瑞喜溢東牆隅阿母笑畱客倒酌顏回朱籬前對菊
英何異醉茱萸明春娶兒婦更釀百甕酥

鶯囀谷口樹去年此分攜人今何處去鶯仍舊樹囀誰
念聽鶯人各隔武陵谿同在白雲中心或青雲梯誰爲
一心人白頭聽黃鸝斗酒雙柑下有萬古詩

江南聞有蠶食桑叶其餘七襄織天女其功四海無吾

下石堂詩集卷一
鄉不產桑無錢莢空榆惟有吉貝花功自黃姑初左足
踏機杼右手投梭梳織成貝錦布可度今歲除春風何
處來飄我素雲裾道逢紈袴子白拾輕且都君衣定何
物視此當何如

篝鐙哦制藝隔壁偷餘光誓將拾芥效償此三餘忙夜
間促織聲伴影如在牀忽念南溪子安得來共觴呼童
持一尊送踏艸橋霜與君對谿酌何異同一堂

結茅萬山巔四面奇峯繞開牖面朝陽得日最爲早四
野雞未噉一室已先杲五更起盥漱醴粥日未昃獨立

羣動前俯視萬象表沈沈萬夢中中有一人曉置身天
地外何羨紅塵浩

以上鄉居少時

北上雜詩七章同鄧湘皋孝廉

胡爲別戚愛登此萬里途疏者日以親親者日以疏出
谷水赴壑出石雲彌虛扶疏幹去土學習巢解雛皇都
象北極萬辰所拱趨羣材龍湊海文獻日麗衢海大水
變化日麗雲昭蘇足不九州莅甯免井蛙愚尼父咨柱
下吳札觀周書

客行梁宋道言訪梁宋迹欲尋史上蹤十九無一獲濁

河決千里一淤輒尋尺屈指三千季幾決幾淤積每有
浚濠人十仞逢蠶脊沙覆中天臺塵掩兔園宅當季歌
舞館下隔黃泉百當季龍戰壘上有河聲濤陵谷復陵
谷大息重大息

何者送我行終日大行山宇宙苟無此豈不曠且閒我
心有大行嵯峨萬古閒信陵函谷召岳帥朱仙班椎誤
博浪沙星隕大散關介朱犯洛都騎渡盟津灣汝河灌
賊營闔汴魚龍淹何不借風雷一壯天地顏西日不東
逝東海不西還欲平五嶽胸何異北斗南

千里河南北高下寸地無。豈其扶輿氣磅礴爲平蕪。緬懷畫井世々兼溝涂。經緯備潦旱縱橫資泄儲。一經阡陌闢。屢值黃流瀦。誰言盡地利。地利彌有餘。西北仰東南。吳越窮輓輸。四水會汴梁。雄麗甲中都。一殷今不達。并枯賈魯渠。滄桑隔唐宋。何況秦漢初。旅客有奇夢。夢游古萼胥。手持水利書。副以溝洫圖。拜獻神禹前。冀免斯民魚。

滑臺阻運河。距衛百里圻。去歲大兵後。大祲今苦饑。黃沙萬殍骨。白月千戰壘。至今禾麥地。極目森蒿藜。借問

釀寇由色哽不敢唏野店象緯偃三垣拱大微孰稱中
執法孰峙鉤陳墀孰扈羽林蹕孰專喉舌司分野錯三
輔煌煌燕豫齊鼎峙岳牧伯胡耀櫬槍旗彗貫紫微垣
水潰銀潢隄孰分眞宰憂號令豐隆馳我欲叫閭閻閭
闔蒼莽坐匏瓜不可摘高舌挂南箕

中野種蕎麥春風吹麥新二月麥花秀三月花如銀麥
秋不及待人饑已奈何明知麥花毒急那擇其他食鳩
止渴飢僵者如亂麻冀此頃刻延償以百季嗟投之北
邱坑聚土遂成墳明季士依然春風吹麥新勿食蕎麥

花復作坑中人。

夙抱山水情。每結煙霞約。一來河南道。十里惟廣莫。更無山可靑。惟有水長濁。柰何殷盤庚。五遷不歸亳。緬惟中條內。代有仙靈託。雲飛少室曄。月送緱山鶴。盤企太行谷。泉憶蘇門嶠。均非車馬歷。徒使中情躍。痺哉鄒魯聖。轍環梁宋郭。泗外不知津。岱外未升嶽。竟因悲閔懷。負此仁智樂。八載門不入。禹豈耽邱壑。至今櫟擣地。明德照河洛。

偶然吟十八章呈婺源董小槎先生爲和師感興

詩而作

花落香不畱春風迹如埽題鵲漸無聲日覺乾坤老云
何覲不朽千載垂火藻試問倉頡前誰覩文明造周書
千不一商前萬無考葉豈能畱春畫豈能傳昊力爭一
瞬間苦不回光早桑蠶化袞龍自謂文章好幾見堯衣
袞流入商周道

萬物始於寅春王首元歲每逢百物芳忽如天再易勾
萌誰使坼候禽誰使噉胡以紺而蒼胡以喙而蛟一色
一造化千形千位置異中絕蹟般同中各品彙縱窮孔

墨才難造一螳細縱窮婁輸巧誰勘一葉翠甯非春外
春更在先天地乘雲過東皇出震果誰帝請問熙春人
曾識春光未

縹緲雲中君天際無処所人寰距萬仞安敢厭塵土今
我顧何爲獨立向天宇潔身人海中不与萬物伍夜聞
河漢聲迴環斗杓數感此大化奔懼爲造物腐冬風裂
幽谷夏火炎崑圃不見古人今但見今人古煌煌箕尾
星夜夜鴻濛戶

晝氣如趨市夜氣如登臺列宿森就位凜然臨八垓大

微御中宇三垣隨轉魁君臣民物事萬象齊昭回偶奇
科斗判人事森胚胎自昔三才立資始乾元開觀象萬
化具卓犖庖犧才胡爲龍馬來元天乃言哉

吾聞開闢初天人去如咫尺乘雲駕六龍呼吸通乾始動
陟崑崙顛輒斟銀漢水誰絕地天通蒼生遂如燧乘風
叫閭闔莫達鈞天耳精衛窮海山夸父嗟濛汜南箕空
揭舌七襄終莫理我欲呼雲龍上訴穹蒼尼盡答露均
問不藉巫陽啟一翻重黎案還復鴻鈞始

中宵元無寐忽然反鴻濛鴻濛孰爲人三百六保蟲譬

億萬孺子偃僂赤其躬含醇晞大和胞與乾坤同遊戲
元氣內呼吸閭闔通何時制衣裳貴賤殊章縫何時制
宮室彼此興域封何時制器械墨守兼輸攻園牆一家
內鑒戰同袍中斯時欲返初大聲莫覺聾聖能爲之長
不能爲之聰禮樂文字間彌縫徒救窮譬如萌芽外苞
蔽千萬重籜去筍乃見物生始曰蒙老聃稱嬰兒軒皇
師小童

客居忽不樂。駕言思遠遊。出游始近邑。已非親故儔。偶
然遇鄰里。握手相綢繆。何況渤海外。島嶼遐荒陬。楚音

偶似人異類。皆吾迷。去國日以遠。思人日以適。語君且
勿悲。悲汝還鄉秋。隔牆競桑棗。同室操戈矛。習見反爲
厭。驟見斯相投。至人同鹿豕。末俗風馬牛。遂令大父母。
徧畫千鴻溝。去國日以遠。本初日以返。寄語鄉井人。驚
言之四遠。

四遠所願觀。聖有乘桴想。所悲異語言。筆舌均悅悵。聰
誰介葛盧。舌異公治長。所至對瘖聾。重譯殊煩快。若能
浹此藩。萬國同一吭。朝發暘谷舟。暮宿大秦港。學問同
巖壑。風俗同抵掌。一家兄弟春。九夷南陌黨。繞地一周。

還談天八紘放東西海異同南北極下上直將周孔書
不圖禹州講因思肇闢初聲音孰分壤破碎渾沌天吾
怨軒羲往

久霖桑戶臥不聞簷鵲語中宵忽憶之何處謀乳哺雲
黑泥滑滑豈若姓得所蒼穹各自高溟渤各自深霄壤
曷竝育魚鳥徒升沈不憂一身飢所憂一家寒昏嫁繼
羸畢向禽難入山不憂一家寒所憂四海飢痼瘵苟不
瘳堯禹亦何爲

神仙祇畏窮苦矣身爲累練氣遺形骸飲啄皆不事黃

白玉女成身外真無謂空王亦畏窮苦矣衆爲累絕羣
斷恩愛乃得專所事度人恆河沙及身究何事聖不忍
出此啜菽甘養親雖曰樂哉地亦復傷哉貧從政馳王
事更需養萬民三教濟一世不能濟一身滿耳號飢寒
入定何由成在家成仙佛吾始服真人

幼讀高士傳掩卷不終楮萬物忽無情潔身亦何取中
年涉世網千幻萬齟齬欲不尋白雲塵寰日催去春風
酣昨夢夢之無何所塵音闌不聞水峭山深阻禽皆太
古音松皆太古語雲霞太古色風泉太古雨雉梁孔申

申鹿豕舜麋麋流水豈知秦青牛不適楚直從叔季世
復與無懷伍始知避世人避今還太古

泰伯與箕子商周剝復期斷髮適荆蠻佯狂走東垂遂
開文明化千載周孔齊青牛未適胡乘桴未浮夷春陽
一啟蟄八表開霆曦始知聲與光所居無端倪銅鼓皆
諸葛銅柱皆伏波潮皆祀昌黎儋皆師蜀坡豈盡文字
力能動黎獠遐苟無桴鼓誠孰應天人和死則四海哭
生則四海歌

歲暮霜霰集朔風鳴北陸河久絕行舟鳥獸巢林木行

子各思歸居人喧爆竹
琴堂置酒客攬逾盤
琴燭翠袖圍錦屏
香風回室燠咫尺庭
戶外雪淡沒牛目
征衣照鐵鎧凍夫守
破屋試問豐狐人
豈知寒穀棘安得
簷際雪化爲萬家
玉從今豐年玉更
勝荒年穀

籠禽羨簷鵲寥廓
恣翱翔簷鵲窺籠
中又羨多稻梁身
世無兩全易地何
時臧登高俯層峯
中原浩茫茫飛沈
自高下萬族何穰
穰欲爲丹山鳳奮
翅出八荒顧念羽
族羣我去誰爲糧
願吸瑤池液噴作
八溟漿各各保大
和一一餐漚沆永
絕口實營其放無
何鄉

二儀稱大圓穹窿若空谷沈寥滿其中外應皆中蓄大
叩則大鳴鞳鞳隨所觸人身小天地乾坤爲大腹誰言
斗室中不与昊蒼屬至人體其全呼吸通沕穆默禱聞
闔闢號令風雷速能祈陰隲相錫爲蒼生福否則垂空
文亦異爝螢燭天風海濤聲灝然塞宇宙

夢覺小生死死生大夢覺寤寐卽影形誰道殊憂樂晝
夜小古今古今大晝夜王霸迭寒暑倚伏相代謝天地
太人身人身小天地若非萬物靈曷奠三才位父母小
乾坤乾坤大父母踐形饗帝親何以肖富媼近取卽遠

取遠觀卽近觀日月東西銘宇宙上下環朝聞可夕死
方寸彌兩間

胡不學求仙龜熊曰伸理一朝嬰兒成卻畏陰陽使胡
不學求仙阿敕禁百鬼一朝役使成逃劫雷霆起東海
有一士超然不學仙所損日以盡所泝日以全自號無
言子浩歌無極篇玉皇詔不去鸞鶴迎不前一朝乘化
歸浩氣箕尾躔能同日月光乃超天地仙

觀化百代後獨立萬古前置身昆侖頂俯視齊州煙星
辰大如盤森來壓人巔不知此界外更有幾重天紅光

塞空來來往神聖僊遂鞭羲和輪一息萬曆旋帝閭不
可達淚若天河翻何時闢天門親奏大微言掀翻凡聖
界跳出陰陽圈俯聞下土笑夢夢億萬年董先生經明
儒不以詩名然卽其詩亦出入陳伯玉韓昌黎間此感
遇詩八十首源曾選其四十首欲附刊子集而未能也
識此志憾
源自識

嘆古吟八首与陳太初修撰爲連日談史而作

遠遊將何之言適河洛湄欲買一場宅以爲子孫基借
問場何主言起大古時殷人種薇蕨羸秦施棘籬漢晉
桃花源隋代綠楊隄計此幾千易而仍綠萋萋晉人不

可作大息驅車歸

山中無甲子凶下有義皇花開唐虞興花落秦漢亡日
盡一編書頽然進一觴一觴未及醕已闕幾滄桑庭柯
尋丈餘柯底無數邦邦中大蟻王連夜戰封豕明朝將
大雨各各遷苞桑金湯何處堅平地有懷襄

旣死羨夷齊未死羨齊景誰舍生富貴而易死賢聖悠
悠身後名汲汲生前鼎安得王侯宅四面種朝槿及此
鳴鐘晨先告蓋棺定灑淚望千秋古木無人逕

寶劍逢烈士心知當彼得解環將見遺旋有不与色延

陵讓劍時一劍如一國當時脫手贈何須身後德縣雨
積半空涸轍何時澤

蘭以谷中芳玉以石中藏卞氏何多事必欲獻君王連
城價雖貴玉剖身亦傷席煖笑不黔孔墨日皇皇

手磨玉柄塵手与玉同白朗朗玉山行如見裴叔則珎
廣公玉清看殺洛陽陌借面一弔喪傾倒四座客祝鮀
兼宋朝合成典午國欲爲傾國士先擅傾城色口言漆
園言誰慕駘駘德折屐獨何人賭碁能殺賊

六經憂患書世界憂患積所以輪臺詔土繼秦誓惻痛

定始知痛無失斯爲得英雄驚八荒暮年反真宅收此
戒懼心安其得隴策光武每發兵鬢髮爲之白

求師千里道買鄰百金宅道幾管轄岐途多穀賊益不
如舍之去去友古書籍周孔夢中琴屈賈鐙前席寥廓
一精神羹牆萬主客來者未爲今去者未爲昔与君絙
古絃古人堪面炙如何庖丁言不朽成糟粕

客懷八首東龔定庵舍人

一季春一度一夜夢一枕春去夢醒時回首了無影微
雨原上來洗我竹窗靜以君衣上月照我花前飲門前

臨大道石坂成畦畛左有萬蹏痕右有千轍軫自有宇宙來車馬無停騁車上客遙遙車下塵隱隱

長安都會地車馬萬闐咽所喧本非我城市如山澤入門紛書冊出門耽水石苦樂雖殊途同爲物所役何如掩一關虛室中宵白勞勞曉夜烏夜靜未遑息

奇才与庸福天地慳其兼繁豔与碩果萼實無兩全萬中縱遇一造物鍾其偏古來旗常士福居才之先春來百勢震潮漲千艘前疇鼓三冬雷而使石尤船

東風吹艸青西風吹艸黃惟有客子心不隨艸短長東

髮慕仙真倒景凌扶桑幸遇廣成子牖我先天方中道
牽小術歧路多亡羊日暮臨廣莫天風振枯桑前途悵
緜緜後轍悲茫茫驚沙如海濤欲濟川無梁安得遵雲
衢及此桑榆光

金風扇大火眾星皆左逆剛蟲滿山川仁鳥遠避匿槐
風吹海雨涼煙蕩空碧使我萬古心一往不可抑日讀
一編書頃刻悲忻易皇王帝伯迹去如燕鴻客天宇時
獨游戶庭長不出蕭蕭落葉中陰陽玩消息

地平如板輿天覆如穹廬與君百年內託足無斯須試

問所營營花蕊上蜂鬢一春所醞釀廣爲三冬儲下備
子孫哺上奉君王需區區一飽閒竭此百年軀誰知甘
似飴出自苦之餘

長安豈不樂作客損紅顏炎暑何處辟請游清溪邊松
風忽然起吹落高崖前此時側吾耳一身生一天何當
吹此聲送入闌市間故人隔重城使我心悁悁

桃源杳如許武陵萬仞山緬想秦時人生死桃花間謂
世無長生日月巡雙環謂世有長生樓船去不還忽忽
浮海歎傷哉從游難

古微堂詩集卷二

邵陽魏源默溪箸

五言古詩

此卷皆西
北山水詩

礬山詩三首

金秋嚴肅氣凜然不可容一石一艸木尙壓千萬峯豈
肯放平易招引人世蹤樹皆斜仄生雲皆斜仄通略無
寸步直但有兩壁穹近之太難親邈瞻始景從正如古
神聖千載其朝宗不覩巖巖勢但慕泱泱風安知真覲
面不與躋礬同

爲訪雲中君來尋天上石千洞萬洞勢混沌重開闢人

行入山中山已天外立再上更不能有石皆倒岌臺殿
青雲端勢欲壓山側森然一簷下獻此萬丈碧造勝啟
天荒入深闢地曠遺眾竚曾顛驟覺此身易出山意已
移靈境渺天北從知此後身所莅皆謫斥

百轉百邳壑一步一階級奇怪非一逢性命幾萬擲倒
垂萬菡萏側走千霹靂一石三芙蓉三峯祇一石千峯
爲蓮藕三峯爲蓮萼紛紛蓮花鬢化松千萬億白帝明
星宮寄在千葉隙神仙窟宅間日與天相索聰明乃塵
垢陶鑄皆陳迹雖復游無窮亦自悲形役一下金天臺

人間愁踉蹌

萼山西谷四首

萼山中斷爲二而蒼龍一嶺聯之

關而西谷最勝登萼者皆自此入卽所謂張超谷也谷口水匯於玉泉禪院尋澗而入雙峽壁立麓趾互錯地澹天高石奇泉養凡百十曲而至水簾洞瀑自絕壁萬仞飛下卽谷水之源也洞居半壁一石凹出受瀑倒入洞腹將至澗底復穿石出下匯寒碧而兩峽松各數十萬綠天翠海濤滿虛空光響靈幻非復人世宇內斷無第二而自來游萼者皆半途卽舍澗登青柯坪從無一人窮源至斯者洞天咫尺不許問津何必桃源始迷前路

蒼蒼惟一色不辨雲樹峯浩浩惟一聲不辨風泉松入

谷幾千曲穿雲將萬重時時亂石間洞潭卷天容尋源

不得源詎惜勞雙筇山荒人迹絕猿鳥俱鴻蒙誰知萬
壑響出自微泉淙萬泉之上游關鍵萬峯中出入石府
藏詎非龍所宮空翠風不卷氣与諸天通

溪山各無言萬雲所酣醉水石各無心萬松爲映漬松
雲幾萬重浸得衣渾翠身似魚游空何待生羽翼仰視
峽中天古井瀾不沸咳唾不敢輕谷響殷潮勢步步皆
嶽魂息息通仙幘瑩然一寸心蒼蒼照天地詩難狀碧
空夢亦浮元氣何人蒼龍嶺俯矚思飄墜請謝世網塵
長枕秋雲睡仙犬守雲扃母許漁樵至

袁中郎游萼山
記自蒼龍嶺俯

瞰西谷水簾洞松雲水石之奇直得一死蓋亦身未至而過瞻已如此心醉

山窮水盡處羣龍天上來泉泉雲所化石石星所厯萬丈芙蓉裂中有銀河洞積此千仞水鬱爲萬古苔想當開闢初蓮萼面面開萼間萬斛源神物蟠其隈見水不見石所至無堅厓從此萬泉歸晝夜久雪厯一潭一變化一瀑一濟淮至今秋雨天石破驚皇媧出坎入坎龍九地九天雷我來但瑩碧光影涵三才願借玉女盆酌此玉井杯更借巨靈掌劈馭片瓊瑰攜歸傲嵩岱何獨小黟白

勢西嶽也故西峯西谷最奇而西谷水簾又源于山頂之三十八宿池其池介西峯南峯間一

練迭承圓脩小大不一如珠聯如瓊側如贅仰光滑磨
刮且口狹腹巨非人力所能致儼然神龍蟠踞之蹟余
行天下惟天台黃山之九龍潭可彷彿已甲于東南然
彼僅九而此三倍之彼皆山麓之壑此在雲霄之上豈
復世閒所有也垂盡石屑昂起漾爲溪廣登攀路
阻後人決而泄之游人始得踰澗以達於西峯

陟嶽盡苦險未得嶽門闕登山須問峽谷則峽水脈一
嶺劃兩谷門戶從此闢谷窮峽乃出源盡嶺斯迫試問
秦蜀棧閣道通千驛矧此數里程何暇五丁劈鑿棧八
九重避腫百千尺鳥道絕蟻附猿攀變蹇策盡辟鐵絙
險化爲雲水石試問濤与松可許青雲屐勢以險名由取道者舍谷
而趨青柯坪不知谷水之源卽接蒼龍嶺但從西谷水
簾洞之對崖橫穿斜棧以通嶺則開鑿不過數里卽可

盡遶千尺墮白尺墮老君犁溝之奇險而兼收西谷水
石松雲之勝乾隆中畢中丞沅曾開通登萼之路惜無
以此語之者

岱麓諸谷詩六首

岱谷西溪一

岱嶽三谷東溪中溪皆崖狹水淡可游不可棲東溪即對松崖中溪

即石經峪也惟西溪自敖來峯麓溪入數十里曲奧曠竊溪盡源出有東西百丈崖雙瀑之奇而西崖尤峻孫明復諸賢皆讀書其間爲岱賦之最勝

山大水聲小水与山不敵誰知砉砉響能靜巖巖魄岱
宗石不裂裂卽萬尋壁山泉雲際青飛下勇無擇澗水
奔赴會供此雙龍吸嵯峨蕭瑟閒聲光百寒碧仰視蒼

蒼天圻入巉巉石傾厓宿蒼陰倒影地不及不辨峽西
東但隨溪轉側到此頓忘歸今古空明積昔賢此考槃
觴詠譚王伯至今濯纓亭氣与岱宗赫山禽不敢嘯
樹若屏息悄然萬慮澄何獨紅塵隔

岱谷徂徠二

徂徠在岱陽爲岱宗几案遙望一石爾及近則谷口窈然中有白鶴

灣竹溪之勝唐李白孔巢父等所游號竹溪六逸宋石介亦隱居其中山上及水牛洞多六朝

摩崖
石刻

倚空生巉厓十里無寸土行行靡所向山勢圍成堵
谷深風冒日石合翠成隴不信風泉過但謂夜來雨
山空

生遠音壑寒斲人語無復巢許流惟見招提宇松竹雖
寥寥荒塗積今古蒼蒼萬石刻苔与雲吞吐日暮勿流
連怪石疑豺虎

岱谷靈崖三

靈崖在岱北當齊孔道自雞鳴山
北走二十里險盡地平峯回四抱

如城墉入口三里踰澗得寺負崖西澗古木千
章龍象雄峙唐李吉甫以与潤之棲霞台之國
青荆之玉泉並爲宇內四
大利乾隆間置行宮

北山恆若渴得水已足豪何況天城墉四壁圍周遭萬
木千水石相合成空濤置身萬綠中睂入松間毛回顧
木杪平始覺所歷高離宮負蒼翠梵宇橫山陬當季法

雨地諸天殷海潮逃喧入寥寂未覺流泉囂僧愧隱居
逸憫我征途勞極目雲天間陶然詠唐堯

岱谷原嶺山汶源四

汶有五源皆出岱谷受九

之大汶爲其綱水經注自入萊蕪谷夾路連山
百餘里水隍多行石澗中林木緇濛巖回壁絕
清風鳴條山壑俱響未出谷十餘里有別谷在
孤山谷有清泉泉高十餘丈出石穴穴廣數丈
有昔人爨壘出谷口有麥邱面山傍水
或謂昔之愚公谷溪沈幽杳過者踟躕

汶濟厚趨漕負舟水皆岱舟行岱未已始知泉力沛萬
泉所爭泓原嶺踞其最深藏雲霓中高出洞天內百里
石槎枒千重水湍瀨人鬼不至処始識蛟龍大小水大

水深一清百清會原委闔闢間造物意未艾

岱谷陪尾山源五

陪尾在岱南本岱山來脈也僅一平岡而百泉正出縣出

穴出如星如雲有泉林寺行宮宮內石穴三溪最巨如車輪伏暑寒碧坐臥聲光遠勝他源僻險焉

胡爲萬斛玉乃噴平原磧人間曲水觴竟忘仙鬼宅湧
周灤笑三燦等淇泉百乃知西北源固異東南脈隨時
渾泡出不在洞天僻凜然火雲中雪穴雷雨射聲閱百
代速影倒萬峯碧翻訝雲水勞愈令塵動息安得真仙
隱契此大喧寂冥冥羣帝駕尙聞風月夕

岱谷沂山瀑源六

沂山爲青州之鎮沂水出焉又名東泰山漢武帝以公王

帶言東巡封之至則卑小不稱乃令祠官禮之而不封蓋沂山遠望高出羣山逮漸升至顛則坡陀曼迤七八十里失其峻極耳然山顛百丈厓瀑布之勝亦岱頂所無

雲表百里外遙瞻莫与竝誰知近反平迤邐乃失峻奇
哉造化源巧蓄泉百仞自從開闢來雨聲非一陣雲霄
沉瀼氣化作泉源盛然後大寒碧倒匯諸天浸不徒人
峯影到此同一靜我聞厓夜半亦有羲輪映濤聲天海
聲盡化光明性安得五更曉來觀萬里鏡

嵩麓諸谷詩五首

太室東溪廬巖澗一

廬巖當嵩陽啟母石入山孔道故名最著介中峯北

峯之間蓋東溪也然惟上寺水簾雨後奇勝其下寺匡口五渡岸高水溪俯瞰幽樾故溯澗之樂不如南

北二溪

度梁訪天門忽訝山無底穿出碧玲瓏漸森青壁壘人
影沒數重倒
在波濤裏白雲不在天明月不在水落此
亂石坳鐘聲催不起但聞濤濤隱淪不測泉終始崖高水
深淡天寒日色死請君雨後來一贈鈞天耳

太室南溪逍遙谷二

壘石溪受嵩陽逍遙谷之水介中峯南峯之間則南

溪也自谷以上萬峯夾澗陂流縣坂不可游泳而怪石礪厠萬狀与水爭奇排界之極漸入澄

沁於是溪漸窮而亭榭出唐宋諸賢之所棲遊觴詠負嵩面箕盡收几席

牝谷夏空濛雄峯冬豁開水走萬石上聲寒絕壁下石
既萬嶙峋水亦千變化玉雪戰雲雷蒼寒匝晝夜嵩箕
天展案嵩洛地亭榭剛柔其古今仁智恣瀟灑誰云南
面王官易西山社

太室北溪石淙谷三

石淙在平地已不見嵩而嵩之水口也蓋太室之北

原受平洛澗之委其上游水行地中至陽城之
山石壁百仞水漱石根始匯爲潭東爲澗折西
石愈奇是爲上下兩石淙南北兩岸各有洞窟
可辟兵有唐武后磨勒詩記兩淙澗水之石如
怒筍林立如飲兕臥虎高或數丈平或半畝縱
橫偃仰膚骨態色窮麗極妍水縈其根穿其腹

幽黝沈碧相得相忘極人世光色無可名狀全
泯怒狂嚙噬之態是爲車箱潭潭之下峽愈束
水愈靜筏泛其中青天如垂片玉人語如出甕
中而青壁上復呀石門游人登岸背穿洞腹出
坐石脣可觴席其上以覽水石之奇造物覩人
至矣哉自此出峽噴然禾疇與峽中各一天地
視東溪南溪之可游不可家者又有桃源人世
之別蓋三溪嵩室之勝石淙又三溪之最勝矣
出山愁水淡入山愁水陡水駛由石峻澗溪知土厚麗
哉豫洛山勝絕東南敷雷奔海立雄盡化清暉瀏譬縮
萬丈圖入此邊幅受攢寒簇碧間萬影千光有冲融出
怪變剛柔互牝牡羣仙跨視象游戲此澄黝純乎靜淡
極無復蒼莽醜造化太聰明平原燦星斗蕭然南面忘

何獨李唐后安得釀澄碧化爲醅醪酒醉銷怪肺腸獨
与元氣友

太室北溪箕潁谷四

嵩以箕山爲南案而潁水橫貫之猶岱之有徂徠也

溪夾兩山間爲谷數十里狹爲峽曲爲澳巖爲磯閭爲門上蔭蒙茸下帶清湍如行剡溪桐廬間故箕潁自古爲棲遯之所巢許禹益讓王者皆不之他所而必之箕潁陽城焉

游山不厭深不深山不靜有時兩山遇一水當其盡合
爲一空明何異隔人境嶽游願已償嶽魂秋未醒壓頭
萬丈翠倒作罍潭影恍行天姥間只少哀猿警照溪女
畫眉傍楓漁繫艇峽中天地少世外煙霞冷空乎讓王

客尚傳巢父飲

箕山上有許由冢及洗耳泉巢父飲牛澗

少室陰谷伊闕五

伊闕爲少室西支麓有萬佛崖与香山對峙而伊水經其

閒俗亦稱曰龍門而疏鑿功則不及龍門百一也惟徧山石龕供佛皆元魏造象最大者三龕相如滿月有似天然緒遂良勒記洞門凡山水皆以天勝惟此及龍門則人工勝隔岸卽白香山之九老岬堂

出郭謁龍門雨行無坦路杖策不能前往往溪中渡前
有一匹練後有一丈素驅車曳其輪帷裳漸已屢剋然
雙關竦下有澄潭注不見禹鑿痕惟瞻龍象怖石石混
沌竅佛佛媧皇鑄化身百千億如潭千月吐人力天工

奪神道人鬼懼夜溪蛟鼉起石裂崖崩什母乃童律斧
雷雨空山助

登太行絕頂五首

太行北澤潞南懷慶實止五陁首尾千里而近其三陁在潯沱

以北者乃恆山非太行也惟壺關一陁爲入晉通衢自河內清化鎮入谷數十里四山環互水竹邨落奧曠眞盤谷自此逾羊腸坂九折至天井關則太行絕頂天下之脊矣脊北皆董黝頑石惟脊南郡縣雲木滃鬱故太行之陽號小江南

臨險如大敵奮勢成獨往竭盡筋力能馴致青冥上一
壁石怒生千崖猶相向石雲晝不收崖瀑夜逾響數日
惟一登不知所歷向及巔反下視始悔輕身妄俯影如

在淵其深不及望中奧何包孕山於斯府藏一降一生
妍一步一回仰

日覺溪山深日忘太空太略無寸步直惟見兩崖對上
黨天下脊河山制兩戒始知經陟高足底羣峯會游塵
失秦隴微茫指汾澮歆傾海萬濤決潏天四塞水從萬
山頂瀉落青天外寺臥白雲中不夢紅塵界屢經開闢
間造物方未艾

一石亙千里石上森萬峯羊腸繞其西孟門峙其東凜
然長黑雲我行入其中崩崖劃大谷飛瀑裂鴻蒙諸山

聽指揮趨侍何鞠恭關塞肘腋扼郡邑尻肱從昂頭赴
東海三月脊猶穹絕頂竟砥平萬馬屯崇墉建瓴批擣
勢掇吭當關雄一面制天下繹絡驅駝驘宐乎紫團參
自古王氣鍾到此身驟貴宇宙蟠心胷承平無險要懷
古來悲風

咎聞地去天俯仰億萬里天柱須彌峯梯顛先造趾今
陟太行顛幾點齊州視仰塞天宇空初疑世界止絕頂
望蒼茫大塊纔復始頗疑太素前陰陽一鑪甌洪鈞有
何心噴薄萬流峙谿谷相牝牡煙雲孰驅使如何太古

來聲光從不徙方知七竅窮渾沌未曾死

不見游子歸但見白雲還松濤無時停卷上壺關山側
下就煙靜決立受風寬礪石礱石競出坎入坎艱側身
乾坤內獨立衣裳單天風萬竅鳴五月炎天寒

太行諸谷四首

太行之陽呀爲諸谷蓋支麓所分
每一逆則曲爲一谷泉石秀發故

壺關盤谷爲通衢稍東百里而爲修武之百家匡
再東百里爲淇縣之百泉再北百里而爲林縣之
林慮谷其泉
石皆甲天下

谷裏百重灘灘邊萬仞山家家千水竹面面百煙鬟從
此踰澤潞陟頂十八盤壑深積蒼翠隴奮生波瀾溪山

大澤氣萬古煙雲環誰知太行窟中有桃源灣往復繞而曲天地白宇圓如何盤谷碣勒彼沅濟源王屋所支

隴何与太行關奮刊百代譎請起龍門韓

盤谷在河內縣清化鎮溪

谷田疇數十里正當太行之陽与昌黎序合今濟源縣之盤谷乃王屋支麓与太行無涉俗人碑其側僻淺無取足

誰鑿太行腰坦腹開城郭扶筇陟天門拱揖互迎卻蒼翠千萬重欲掃不可廓一寺負其陽橫嵌絕壁腳何來千丈久墜此一泓壑終宵風雨聲坐失炎蒸燄其上舞翠蛟其下蟠潛鱗影光倒射处千里失鋒鏑坐臥盤石

上凜此衣裳薄宜乎魏晉士清狂此棲託何況望帝魂

久忘南面樂

百家居永明寺右瀑布匪碧有醒酒石淬劍池環翠亭爲劉伶嵇康遺蹟又有獻帝

山陽公辟暑之所

山勢日以高泉聲日以健石壁漸以峭徑途益以險高
歡避暑宮峯回路盡轉步步澗厖濤重重嶂抱掩更窮
雙水簾飛白天半眩煙氣乍有無疑信互聞見賈勇造
其下峯高澗深悶雨厓旣競奇兩龍復爭噴風聲挾雨
聲百步游人濺不知幾千丈勢与萬峯戰不知幾百重
合圍開一面轉木盡珠璣石紋皆浪漩終古闐無人自

闢瓊瑤殿造物信何心荒山悶雷電不窮山谷突安盡

雲水變

林慮山
雙瀑

險盡平易生瀑窮雲水秀出郭山色遙度橋水聲驟土
潤泉脈肥木落峯容瘦石竅無算泉山谷無算寶陽曦
萬金湧月宵千玉奏蘋藻清若空亭榭影如覆自成碧
世界誰開鏡宇宙此時耳目魂盡醉聲光涵西湖匯諸
澗已領東南袖何況蕩泉原媚絕太行右乾坤尤物幸
高隱多被囿一銅煙霞癖萬古終難灸迷溺長不返
笑孫登陋

蘇門百泉亦太
行麓谷之一

重游百泉四首

朝出衛州郭月白天欲曙湖山不可辨蒼茫但煙霧天
光墮雲嵐湖光蕩林樹殘雨嘯臺山歸人淇水渡忽聞
款乃聲疑向瀟湘去欲別難爲情欲畱不可駐

欲曙未曙際溪山無可名水煙多變態欲與羣峯爭泉
響不可忍先作探源行澗水共趨壑林作新泉聲乃知
萬斛源勢挾全山鳴人欬鷗鷺起儵影游分明秋色蒼
然來太行天外橫安得詠沂侶共此濠梁情

天風吹夜泉琤若雨聲碎不知一片月已上嘯臺背遙

山白于曉林樾失翠黛湖雲碧于煙因風蕩爲籟相將
沿隄去步入空明內俯仰寒蒼然清氣不可界且与夜
漁人竚立聽石瀨

土石山皮骨艸木山毛髮北多不髮山東南或少骨惟
有蒙泉清是乃山血液骨奇液始奇石潔源斯潔每看
谷口泉有若雲吐月固知空洞腹乳泉滿其穴當其未
湧去蘊潛孰能別惟有相山人望骨知優劣仙真罕塵
語市井無玉屑惜哉蘇門山鐵立欠林樾安得萬林影
倒浸澄潭雪

盤山紀游四首

燕山至薊門近海忽矯首西上土

其中則與曠幽奇有五峯三盤之勝東西兩澗夾中峯而下中峯以上爲上盤其陽爲中盤當兩澗之合受南峯回抱者爲下盤古稱上盤石中盤松

下盤泉其實三勝盤盤有之蓋山外骨而內膚故怪石劍戟中果卉鬱然松与石爭奇泉与石爭怒今半爲行宮半爲梵寺

北龍到海盡鬱鍾泉石秀截然大黑雲橫枕薊門石矯
首忽西上欲与太行鬪青蒼無坼躡誰識中藏奧全變
邊塞群自成蒼玉宙陽崖百卉尊陰谷千仞溜松雲棟
牖出韶護階除奏從知姑射仙何異山梁雉我來雨後
山黛洗煙嵐透干霄千石奮噴雪萬泉吼雄哉造化藏

遠笑驪山

陋

盤山以形得名為三國田疇隱居耕戰之

封仍居是山故陶淵明詩有辭家遠行邁將往至無終
聞有田子春節義為世雄之語此地漢之無終縣也俗
人乃有田盤先生之說殆猶匡廬以山形
古正得名而俗傳為匡俗先生所隱歟

下盤泉

盤泉之勝全在

行宮蓋東西澗水

卷水為小潭

水至石怒躍而下曰千尺雪為

行宮

第一勝從此歷坡坂流亂松中忽有小

石城

負壁面瀑而亭於松間以聽眾濤為第二

勝

再下則南峯橫案其前四山翠合面面芙蓉

而靜

寄山莊在焉水涯左大澗開之橋之亭之

潔澗

蕩漱聲光竝絕而泉觀止矣左踰橋上山

復有

行宮四所以覽雲壑

則勝

在山不在水今不述焉

水無石不奇尤難駛石面不墜溪塹中欲助松濤戀萬

泉趨一澗何來橫石堰力慳出山泉欲激羣龍戰自非
石當關安得水百變從此瀑瀑松習坎逢重游從此澗
澗石臥虹飲飛練聞內百瀦澗聞外千霆電梁上石嶙
峋梁下雪奔濺蒼寒浸金碧乾坤鏡一片大哉動靜情
聲光慙宸眷

中盤松

盤山一名四正山一名五臺山而紫蓋
峯居中背負北峯其陽爲中盤谷雙澗

遶白凹山拱青至此不見上下盤地奧氣聚四
時草木不絕故松至中盤愈多愈奇而西爲李
靖舞劍臺東爲蓮花峯峯不一鳴鳴各有寺鐘
聲刹影隱見樹杪而西峯下之盤谷寺松尤奇
古

峯勢合成圍行行無所往
窅奧迴無倪但聞空谷響
松与瀑爭濤全出諸山養
面面芙蓉障衙衙鱗甲強
俯視不見山只疑雲海盪
一轉一幽森百步百盱蟄
入東忘西勝愕後失前賞
夙世蒼髯翁重來此扶杖
禽鳥怪人嘯僧樵無揖讓
口友太古雲日吸諸天沆
欲尋出世侶更向雲溪訪

上盤石北峯雲罩寺爲盤頂諸峯皆發脈焉游盤不登此無以盡全山之勝峯銳如筍塔踞其巔遠視燕薊長城蜿蜒一氣盤山之外若合成大盤山焉雲罩之下有上方寺負壁千尋雙裂直上以險得幽壁上有縣空石又西有天門開皆石落天上以險得奇爲上盤石之最

勝山下常有白雲
鋪滿与岱野爭幻

陟盤不造巔幾受盤中縛今朝峯頂身影從塞外落海
山互燕薊蜿蜿蟠龍若茲山特龍首峯又龍之角石石
欲上天鱗甲之而作足底雲蓬蓬耳側風霍霍松泉億
萬濤盡作雲霄樂此身大虛舟暫向人間泊會當搏扶
搖豈獨矜廉鍰請從雲中君永謝巖巒託

重游盤山寺二首

青壁障我前丹崖枕我席瀑雪想我左松雲滌我腋溪
聲以爲樓溪光以爲宅山重水複中放出一泓碧僧送

出山泉泉返入山客同音有殊聽高下善相卽心閒水
益空谷靜音如積去年聽盤泉泉聲尙淒激今年聽盤
泉盤泉更清寂

開戶驚白雲昨夜簷前宿出門刷雪根已失回頭屋潛
潭魚不寐背負苔痕綠落花不肯畱流出前溪曲枯僧
踏嶺雲落葉聲相觸石門舊題字莓蘚已難讀艸堂樹
幾年何已虛其腹懷抱老漸空至今松花竹

關中覽古五首

龍門之奇終古所同惟冬月公合
至此公皆立積不行者旬月尤爲

奇絕

萬仞蒲龍門一一皆立直積仞嶽雄重新天險闢不
分水清濁竝覺靈寔寥寂從知世界奇天意非人力蛟龍
蟄其下萬靈覲其側何必桃浪至謬稱鯉三級

藍田關第二

摩詰輞川卽在關麓盡收山水之勝

終南自此終萼陽自此始諸峯趨太萼皆作太萼體藍
田望武關秦嶺相首尾輞水如車輻谷口縱橫瀾峯巒
互開闔山川相織綺入澗天漸高人馬盤空螳不覺水
聲微但咽風雲駛回首灞滻城斜陽萬山紫似縮秦川
圖鋪之馬足底雲与地爲一天去山如咫尺戰壘復何存

征途謠匪兕

南山龍湫第三

萼陽之南山橫互蟠薄而其神秀則以炭谷之龍湫爲主峯故

昌黎南山詩秋懷詩炭谷湫祠皆詠此山今俗亦名南五臺山蓋山之數峯環抱如城者中條王屋皆然惟五峯內特起一中峯則惟晉之五臺薊之盤山有之故盤山亦有五臺之名与此而三矣志乘中或誤以此爲古之太乙山則予禹貢解已正其失

雪然陽厓峙呀然陰谷霽桀然中臺竦森然五峯秀大山宮小山上帝開天固老龍宅其中城郭環伺候出入風雨從黑雲屯隴右陟巔俯寒碧仰被圓靈覆窅然塵世絕自闢幽森宙南山互萼陽蜿蜒嫌沓表自非奧天

閩奚以專地軸梵唄殷牝谷松濤琴岩岫惟應大雄力
永鎮神姦贅

驪山第四

驪山一培塿耳自湯泉而外初無奇勝而一笑傾周一浴敗唐一葬亡秦

爲今古憑弔之藪蓋密邇咸陽離宮複道便于游幸其實不逮嵩華鄠杜之百一与雷塘之亡隋皆不值焉

此山詎尤物何足亡人國驪山与雷塘萬古共悽惻烽
何必此巔浴何必此側葬何必此坑一人萬人瘠萬古
逝堂堂百代來驛驛鹿爭蕉中夢柯爛斧邊奕傳聞三
神山桃實今已核玉女金銀闕富貴南山石如何海上

船一去無消息痛哭鞭燭龍起照三泉夕

玉萼宮第五

唐王萼宮辟暑故址在同州府宜君縣西南夾谷窈入有石巖石室

水簾覆之如噴飛雨與松濤瑟瑟滿谷卽杜詩所弔哀湍絕壁溪回松風矣離宮無迹惟一寺乃唐元昊譯經之所高寒清迥遠勝驪山之著長安二百餘里故巡幸憑弔皆不如驪山之著

泉溫使人春泉瀑使人秋如何玉萼駕不及驪山騶無
乃久雪氣未稱霓裳謳嵯峨蕭瑟間棟牖松雲浮幾見
洞天内頻邀黃屋畱我來但高寒萬壑松濤颺中夕風
雨厯尙恐漁陽桴汾陽姑射訪空同廣成諏窅然喪南
面悵矣黃虞游

棧道雜詩七首

隴山自此終南山自此始秦坤蜀艮吭大斷乃大峙萬
山東一坪沔渭分峽水觀山必觀峽左右萬峯倚雄關
互雲際聯之一綫耳果然關之東雪濕半坡起翠壁瀉
浪浪萬仞杳無底陳倉大散關一扼千夫壘平世息龍
戢窟穴猶虎兕登高復何畏一呼萬山唯前途大闔闢
造物意未已

寶雞之煎茶坪即大散關古陳倉道也坪
僅一綫而關下水北流入渭南流入沔萬

山一吭爲中幹過峽處
地多虎居人皆柵避之

柴關號樹海州里青不斷并爲大嶺陰曾無赫曦煖樹

疏使人幽樹密使人憚凜然大黑雲流出黑河浣西來
岫勢長北去川聲短逾嶺紫柏祠曾與赤松伴不信僊
隱地當此塵轂綰定知雲中君俯笑征途棧

山勢日以高日氣日以橫俯首壑前雲側足身外徑陟
嶺知勢積薄霄畏身殉俯視升氛勞始知奔峭盛身已
陟雲梯前山猶萬仞風餐露宿中更向前林進昨宵最
高峯已枉舄底欄中天腐骨輕下界塵懷淨臨溪履薄
中涉險惟一敬

輿夫貪徑捷直上萬山柯程雖十里近險乃十倍過何

如遵通衢飽受山水磨五步一竚立十步一憩坐岡勢
審去畱峯情辨主佐聊借目力舒慰茲足力情寺古荒
亦好誤行翻自賀始知濟勝具美游究難臥山熊引其
子千仞遙相和擲石落溪澗頓驚嵐翠破

偈旻復偈旻萬山天地塞數里百嶺青數嶺一溪黑東
峯望西峯咫尺眉睫卽及到窮朝昏乃在飛鳥北平生
慕奇峭及茲羨平易今朝地稍平石筍森森立侶束萬
峯奇成此千石崩延賞未及徧前山又登陟杜韓畏大
礮但賦南山什豈知五嶽尊參天貴挺特峯多乃成賤

徒然藪奸慝陰籌久條死陽厓日車匿蝸壘保嵴崢鼠
穴窮搜櫛得非核桃瓢招此訓狐蜮思剗兩戒雄神丁
萬牛闢擴開造化胸永息蚩尤役高厚信茫茫我行殊
惻惻山驛星斗寒凜矣蠻荒國

山勢到窮盡豁然雲水亮人事坎柯歷夷然徑路曠今
朝棧樹底俯視帆下上右俯嘉陵江潛流貫沔漾石壁
照澄潭萬千神佛狀如出羅刹窟得瞻滿月相蜀駒小
于犢健絕何奔放瞬息蹏百里萬山皆倒向使入萬馬
陣騰蹴孰能抗用材得時地何代無跌宕古今貉一邱

沽酒齋得喪

七盤嶺卽
雞頭關

在山不知奇峯巒失向背在山不知高軒輊任持載一
出雲中巘頓失耳目礙歷阻得夷塗嚮明去荒怪天公
久好奇至此如頗悔驅開四面山盡斂鋒芒退羣女沙
上汲萬竹水邊黛久曠如忽霽回首煙嵐晦奧險半平
淡文章悟境界汚漢信天府乾坤分兩戒投旅如到家
宵夢剛自在未忍擲竹杖險艱曾倚賴

三龍洞二首

在漢中府沔縣卽禹貢潛水通東沔
西漾之穴也有第一門第二門第三

門皆在數里內沔水入第三門出第一門入嘉陵
江蓋古時嘉陵江水高故可入沔今則倒流天下

洞壑之奇
莫過此者

造物奇怪胸槎牙生肺腑偶泄爲崖壑天縱不能圉數
里森三闕絕地通幽戶出沒大古雲翼覆空山雨山靈
無蠢石水伏有穹宇古澗夜潺湲疑与化工語野店不
成眠中宵夢神禹

物空始有山山空始有谷山空谷必奇水以石爲屋出
洞入洞水汚漾潛於腹日月入其中萬古不得燭屹然
三龍門首尾分隴蜀不知造物心何故巧聯屬因疑九
地底脈絡互相族我行半天下到此吁坤軸潛虬夜徙

湫風雨驚崖瀑

定軍山詣葛武侯祠

黃虞忽然遠盜賊干堯禪不有君子作孰令人極建三
顧起南陽六出來渭岸明夷自正志艱貞蒙大難仁人
安有敵王師本無戰道消小人長運否蒼生炭虛抱倍
不才竟貽微管歎時來祖龍起運徂臥龍憾遽聞哲人
萎孰將昊蒼諫後死仰高山百拜陳薄奠執鞭九京慕
廉頑百世惋垂李緬鄭國伐棠詠江漢大運陰陽奔何
時麟鳳旦

劍閣二首

出坎入坎千上天下天百陡然萬古奇森此寸眸
石欲刺天石石怒爭壁不見一鳥飛但聞萬馬慄
瀉石髓哀玉鳴不息筋力盡青冥漸与空天偈
世界縮地入萬鬼拔山出落日照天南絕峭橫
空墨淒涼戰壘風慘澹游子色奇從險極生
使自艱餘獲我身天外來盡訝雲中客
河山兩戒雄喟矣二儀塞

若非蹈今途已謂昨險足誰知飛鳥窮
卽是我行陸一石互西南首尾盡秦蜀
自非一縫裂誰躋雙劍簇元兵

忽天降中夜壘潰腹豈惟黑松林間道還苦竹劍閣之西有小
劍閣鑿石架閣更險于大劍南宋設苦竹隘重兵守之
會守將潛引蒙古入遂破蜀与居庸關之黑松林間道
同一人力鑿混沌天心戒傾覆如何子午遲反讓陰平
故轍速時來雲駕蜺運去樵爭鹿當年荷戈守弔古風雲哭
斜陽千萬斂反照關山宿